











Adams, 844

Petente dandam esse cum  
librum hunc affibum, in velle  
ut librum capitali opus copaliquo  
mons p. llij. cum studio humanitatis  
sub disciplina Jesu.  
dandus.

BASILEAE APVD IOANNEM  
FROBENIVM MENSE  
FEBRVARIO.  
AN. M D XVIII.

BASILEAE APVD IOANNEM  
FROBENIVM MENSE  
FEBRVARIO.  
AN. M. D. XVII

Sanda

Danda

Γίνεθε φρόνιμοι ὡς οἱ ὄφεις,

Prudens simplicitas amoris recti.



עֲלֵיכֶם לֵהְיוֹת כְּחֵם הַנָּחָשׁ

ἀκέραιοι ὡς αἱ περὶ σέραι.

IN INCLYTA GERMANIAE BASILEA.

M. D. XVIII.

Daudas





IOANNES FROBENIVS  
STVDIOSIS . S. D.

Damus nuncuobis Orum Apol-  
linē Niliacū de Hieroglyphicis no-  
tis à Bernardino Trebatio Veiceti-  
no latinitate donatū. In quo ueteris  
Aegyptiorū sapientiæ thesaurū re-  
perietis, uulgo haud dū cognitū, &  
miras rerū ac animantiū naturas ac  
proprietates. Eū insignis ille melio-  
rū literarū antistes Chonradus Peu-  
tinger apud Vindelicos Augustani  
senatus à secretis, & Cæsareæ maie-  
statis à consilio liberaliter nō ita du-  
dum nobis cōmunicauit. Bene Va-  
lete, & Frobenium amate.



QVi gratiam libellis aucupantur, eos pumice poli-  
unt, purpura uestiunt, ut & si mali sint, curatura boni  
uideantur. qui uero eodem modo debita soluunt ne-  
gligentiores sunt, hos ego imitor. Ex his enim sum, &  
libellum, ut peperit, nudum tibi trado. tu, si non pessi-  
mæ indolis uidebitur, ac tollendam putabis, indui faci-  
es. sin minus, proxima fœtura aliquod fortasse melius  
ædam. Vale.

Trebatius

# CHVONRADO

PEVTINGER, AVGVSTANO, IVRISCON-  
SVLTO, BERNARDINVS TREBATI  
VS VICENTINVS S. D.



**L**N Orum latinū, si modo id sum cōse-  
cutus, exhibeo tibi patrone optime, sit  
ūm hæc tui uerissima appellatio. nam,  
et omittā dicere de hominibus, patro-  
nus es Reip. literariæ, debet tibi omne  
genus scriptorū. siquidem sic omniū  
es studiosus ut omnes habere uelis, conquiras undiq̃,  
nonnulli multos annos desyderati nunc demū tua ope-  
ra legantur. Historiarū uero series omnis per te expli-  
catur, ac habent in te uiuum exemplar. Antiquitas ipsa  
nullo magis gaudet alumno. Romani autem Cæsares  
quem alium malint curatorem? non tibi eorum gesta  
cognouisse satis, eos ipsos signatos omnes in Chartis,  
ære, argento, solido auro demonstras. Et quod uiui nō  
potuerunt, mortui adepti sunt: ut eodem tempore, & iu-  
uenes, & senes, & in omni ætate quales fuerint conspici  
possint. Sed & ipsi Romani duces, quod non secundo  
perierint tibi acceptum referunt. tu eorum epigrāmata  
colligis undecuncq̃, & iam uetustate collapsa, dimidia-  
ta ferè, restituis, ac das ut, postq̃ in marmore nequeūt,  
in Chartis legantur. Sed quid ego hæc de te ad te? alijs

a 2 melius

melius aliquando narrabo. Quin Græci ipsi, si quis in-  
 feris sensus, tibi bene precantur. nã cum iã desint ex eo-  
 rum genere qui legant, curas tu ut à latinis legi possint.  
 optarem uel hac causa patere mihi Græcorum penetra-  
 lia, ut satis tuæ possem facere uoluntati. debeo enim ti-  
 bi omnia cum ob beneuolentiam, tum ob merita mul-  
 ta: tu mihi uiso tantum, omnia amicitia, uel antiquissi-  
 mæ officia præstitisti: domo me suscepisti: peteti omnia  
 tribuisti: multa etiam ultro obtulisti. id quæ nullis meis in-  
 te meritis. Quod & si in omnes itidem humanus es &  
 liberalis, me tibi tamen plus cæteris debere sentio. Ve-  
 rum in præsentis: qui me memorem ostendam, habeo ni-  
 hil præter animum, & hoc quicquid est libelli, quæ, quia  
 non ingratum tibi fore sentiebam, transtuli maiori uo-  
 luntate, quæ facultate. nam & adhuc in hac lingua pere-  
 grinor, & est libellus eiusmodi, ut ne à Græcis quidem  
 ipsis totus legi possit. Inerunt & quæ fortasse nugato-  
 ria ac frigida uideantur, quæ tamen ego nõ ommisi. nõ  
 enim Censoris, sed Interpretis fungebar officio. nec ani-  
 mus fuit ita relligiose uertere, ut uerbum uerbo redde-  
 rem. quid enim ineptius? Latinis enim, non Græcis la-  
 borau. Quantũ aut effecerim, tu facillime iudicabis, &  
 statues an eiusmodi sit opusculũ, ut ei in tua refertissi-  
 ma bibliotheca locus esse debeat. Vale decus patriæ, ac  
 meliora si deus annuerit, aliquãdo expectes. Augusta,  
 duodecimo Caleñ. Maias. Anno M. D. XV.

Ori

# ORI APOLLINIS

NILIACI HIEROGLYPHICA, PER BER  
NARDINVM TREBATIVM VICEN  
TINVM DE GRAECIS  
TRANSLATA.

QUOMODO AEVVM SIGNIFICANT.



Euum significantes Solem  
& Lunā describūt, eo quod  
sint hij Planetæ æui elemen  
ta. æuum aliter scribere uo  
lentes Serpentem pingunt,  
caudam reliquo corpore te  
gentem. eum uocant Aegy  
ptij Vreum, id est, Basiliscū.  
quo quidē aureo formato  
deos circundant. Aeuum autē dicunt Aegyptij per hoc  
animal significari: quoniam cū sint tria genera Serpen  
tum, cætera quidem moriuntur, hoc solum est immor  
tale: hoc & quodlibet aliud animal solo spiritu afflans,  
absq; morfu interimit. Vnde cum uitæ & necis pote  
statem habere uideatur, propter hoc ipsum deorum ca  
piti imponunt.

## QVOMODO MVNDVM.

**M**Vndum scribere uolentes Serpentem pingunt, suam ipsius caudam deuorantem, distinctū uariis squamis, per quas Mundi astra figurant. Et grauissimum quidem hoc animal est pro magnitudine, quæ ad modum terra, est etiam lubricum & in hoc aquæ simile, ac singulo quoque anno pellem unà cū senio exuit. Secundū quam rationē & in mundo annuū tempus mutationē faciens iuuenescit. Quod uero pro cibo corpore suo utitur, significat id quæcunque diuina prouidētia generantur in mūdo, hæc omnia in eundē diminutionē pati.

## QVOMODO ANNUM.

**A**Nnum significare uolentes Isidem, hoc est, mulierem pingunt. hoc ipso etiam deam significant. Est autem apud Aegyptios Isis astrum, eorum lingua Sothis nominatū, Græcorū uero astromyon. quod & cæteris astris uidetur dominari, aliquādo maius, aliquādo minus apparens, & nūc quidē clarius, secus aliās. Ad huc etiā in eius ortu, omnia quæ proximo anno futura sunt, prouideri solent. Qua ex re non immerito annū appellarunt Isidē. Et aliter annū describentes palmā arborem pingunt, eo quod hæc sola præter aliarum naturam ad Lunæ ortum ramum unum emittit. Ita ut in duodecim ramis annus integer perficiatur.

## QVOMODO MENSEM.

**M**ensem scribentes ramum pingunt, aut Lunam inuersam

inuersam . Ramum quidem ob eam, quæ in palma arbore dicta est causa. Inuersam uero lunam, quoniam, ut dicunt, cum statim oritur quindecim restant partes, ad hoc ut cornibus in superiorem partem ductis appareat. Cum uero occultatur, triginta dierum expleto numero in partem inferiorem cornua declinat.

QVOMODO ANNUM INSEQUENTEM.

**A** Nnum insequentem significantes quartam partem arui describunt. Est autem aruum mensura terræ cubitorum centum. uolentes autem annum dicere, quartum dicunt, quoniam, ut perhibent, ab ortu astri, quod Sothi dem uocant, ad alium ortum interest diei pars quarta. Et esse annum solis dierum trecentorum, & quinque supra sexaginta. Vnde quarto quoque anno die superfluum Aegyptij adnumerant. quater enim pars quarta die complet.

QVID SIGNIFICENT SCRIBENTES AQUILAM.

**C** Vm uolunt deum significare, aut altitudinem, aut depressionem, aut excellentiam, aut sanguinem, aut uictoriam Aquilam pingunt. Deum quidem, eo quod sit auis hæc fecunda & longæua. Et ad hoc quod uidetur simulacrum esse Solis, cum præter cæterorum uolatilium naturam intentos oculos teneat in radios solares. Vnde & medici in oculorum medelam herba ab Aquila dicta utuntur. & solem tanquam dominum uisus aliquando Aquilæ forma depingunt. Altitudinem, quoniam cætera quidem uolatilia, cum uelint in altum ascendere, oblique

re, oblique feruntur, cum non possint in directum uolare, sola autē Aquila in altum recta fertur. Depressio nem, quoniam eodem modo cæteræ aues oblique ad terram feruntur, Aquila sola recta descendit. Excellentiam, quoniam Aquila cæteris uolatilibus præstare uidetur. Sanguinem, quoniam, ut dicunt, Aquila non aquam, sed sanguinem bibit. Victoriã, quoniam uidetur reliquas aues omneis superare. si cui enim congressa uinci se sentiat, resupinat sese, ac dirigit ungues, alas ac dorsum ad terrã uersa. atq; hoc modo pugnat. auis uero inimica, cum hoc facere nequeat, facile in fugam uertitur.

QVOMODO INDICANT ANIMAM.

**E**T pro anima Aquila ponitur, ex nominis interpretatione. Vocatur enim apud Aegyptios anima Baieth. hoc autem nomen diuisum, animam significat & cor. est enim bai anima, eth uero cor. Cor uero apud Aegyptios est ambitus animæ. unde nomē ipsū sonat, quasi cordatam animam. Qua ex re Aquila eiusdem naturæ cum anima, ut plurimum aquam non bibit, sed sanguinem: quo & anima nutritur.

QVOMODO MARTEM ET VENEREM.

**M**Artem & Venerem scribentes duas aquilas pingunt. marem, quem Marti comparant. & sceminam, quam Veneri. Et hoc ideo quia reliqua animalia non semper mari ad omnē mixtionem parere uolunt,  
Aquila



Aquila uero, semper. Ter decies enim in die compressa postq̄ surrexerit, si mas uocet, denuo accurrit. quapropter cum maxime sit in Venerem prona, Aegyptij eā Venerem uocant. Et propter hoc etiam Aquilam Soli dicarunt, quia Solem imitata terdenum numerum coeundo complet. Aliter Martem & Venerem scribentes, geminas cornices pingunt. marem & fœminā. quoniam hoc animal duo oua parit: ex quibus marem & fœminam generari oportet. Si autem eueniat, quod raro euenit, ut duo mares generentur, aut duæ fœminæ, iugati mares cum fœminis alteri cornici non admiscentur. Itidem neq; fœmina alteri mari, uerū dissociati Soli degunt. Ideo unicæ Cornici occurrentes augurantur futurum. ut uiduali uita sibi uiuendum sit.

QVOMODO NVPTIAS.

**C**Vm nuptias significare uolunt, geminas cornices pingunt, ob eam quæ supra dicta est causa.

QVOMODO VNIGENITVM.

**V**Nigenitum significantes, aut generationem, aut patrem, aut mūdum, aut hominem Scarabeum pingunt. Vnigenitum quidem, quoniam per se generatur hoc animal nō conceptum à fœmina. huius enim solius generatio talis est. Cum libuit mari procreare, excremento bouis inuento, ex eo pirulam cōficit rotundam, ad cæli similitudinem. quā innixus tergo rotat ab ortu occasum uersus, ad oriētē Solem ipse respiciens,

b quoad

quoad rotunda effecta mundi formam acceperit, Sol enim ab oriente in occidentem fertur. Iterum rediēs in orientem. Cōtrario uero motu fertur astrorum cursus ab occidente in orientem. hanc igitur pirulam defodiēs relinquit octo & uiginti dies. tot enim diebus Luna duodecim signa, quæ sunt in Zodiaco, metitur. & sub ea perficitur animatum Scarabeorum genus. nono autē & uigesimo die pirulam aperiens, in aquā proijcit: hoc enim die putat coniūctionē fieri Solis & Lunæ. & mūdi insuper generationem: qua aperta in aqua animalia prodeunt, quæ sunt Scarabei. Generationē, propter eam quæ dicta est causa. Patrem, quoniam à solo patre ortum habet Scarabeus. Mundum, quoniā similem figuram generationis habet cum mundo. Hominem autem, quoniam in ea specie scēmina non inuenitur. Sunt autē Scarabeorum tres formæ. Prima feliforma & lucida, quam ob similitudinem Soli dicarunt, ferunt enim marem felem oculorum pupillas uariare ad cursum Solis, oblongæ enim fiunt mane ad ortum Solis, rotundæ deueniunt circa meridiem, obscurantur autem occidente sole. Vnde & in urbe Solis dei statua est feliforma. Et habet Scarabeus digitulos triginta. ob triginta dies mensis, in quibus Sol oriens suū perficit cursum. Secundū genus bicornē & tauriforme est. & Lunæ consecratum: à quo & in cælo taurum ascendentem Lunæ esse uolunt Aegyptij. Tertia species habet unū

cornu

cornu tātum, & propriam formam: quam Mercurio dicatam putauerunt. Sicut & Ibis auis esse dicitur.

## VULTVREM SCRIBENTES

## QVID SIGNIFICENT.

**M**Atrem scribentes, aut uisum: aut terminum: aut præcognitionem: aut annum: aut misericordiã: aut Palladem: aut Iunonem: aut duas dragmas Vultur rem pingunt. Matrem quidem, quoniam in hoc auium genere mas non inuenitur, eorum uero generatio fit hoc modo. Cum uult concipere Vultur genitale uas ad Boreã aperit: & sic perstat diebus quinque, in quibus neque edit, neque bibit. & hoc modo foetum concipit, sunt & alia genera Vulturum, quæ non ad uentum concipiunt. quorum generatio ouorum ad cibum, non etiã ad foetum procreandum utilis est. Visum, quoniã inter cætera animalia acutius prospicit. in ortu enim Solis ad occasum respiciens, & in occasu ad ortum, ex longo interuallo prospicit quod edat. Terminum, quoniã futuro bello, locum terminat septem diebus præueniens. Præcognitionem, ob dictam causam. & quoniã ad eã partem respicit, in qua altera pars inferior futura est. inhians occidendorum maiori parti. Vnde solebant antiqui reges speculatores mittere, qui renunciarent, quam in partem uersi respicerent Vultures. Annum, quoniam trecentos sexaginta quinque dies, quibus perficitur annus: diuidit hæc auis hoc modo. Centum & uiginti

b 2 dies

dies in terra manet, nec se unquē humo tollit: pullorum curam gerens, eosq; nutriens. ducentos & quadraginta seipsum curat, neq; nutriens, neq; concipiens. Tantum modo ad aliam conceptionem se præparans. quinque reliquos dies, ut dictum in concipiēdo consumit. Misericordiam, quod perabsurdum fortasse uideatur, cum animalium nulli hoc animal pareat, tamen ob hanc causam ita posuerunt, quoniam totis diebus centum, quos enutriendis pullis impartitur, ferè nunquē euolat. ac si quando cibus, quo foetus enutriat deficit: ne fame conficiantur uulnerato sibi foemore, sanguinem suggendum præbet. Palladem & Iunonem, quoniam uidetur Aegyptijs Pallas quidem superius cæli hemisperium sibi uendicasse, Iuno uero, inferius. Vnde & absurdum putat cælum masculino genere notari: cum generatio Solis & Lunæ, & reliquorum syderū foemineo opere perficiatur. Et Vulturum genus, ut dictum est, est tantum foemininum. ob quam causam huius sexus cæteris uibus Vulturem regem adscribunt: quo quidem Vulture, ne in longum protrahatur sermo, quancunq; deam designant. Matrem insuper significare uolentes Vulturem pingunt. est enim mater foemineæ sexus. Duas autē dragmas picto Vulture notat, quoniā apud Aegyptios unitas sunt duæ dragmæ. Unitas autē principium est omnis numeri. non immerito igitur duas dragmas significare uolentes Vulturem scribunt, cum & mater  
& principium

& principium, quemadmodum unitas esse uideatur.

QVID ASTRVM SCRIBEN/  
TES SIGNIFICENT.

**D**Eum significātes, aut fatum, aut quinquenarium numerum, astrum pingunt. Deum quidē, quoniam diuina prouidentia omnis stellarum, ac totius mūdi motus conficitur. uidetur enim sine Deo nihil penitus posse consistere. Fatum, quoniam constat ipsum ex stellarum motu. Quinquenarium uero numerū, quoniam cum sint plura in cælo astra ex eis quinque sola mota, totius mundi dispensationem conficiunt.

CYNOCEPHALVM SCRIBENTES

QVID SIGNIFICENT.

**L**Unam uolentes significare, aut orbem terrarum, aut literas, aut iram, aut natationem Cynocephalum pingunt. Lunam quidem, quoniam hoc animal uarie afficitur ad cursum Lunæ. quādo enim Luna Soli iuncta nō apparet, tunc mas Cynocephalus neque uidet: neque comedit. tristis est autem oculos in terram deiectus, tanquā Lunæ raptum lamentetur. Fœmina uero, præterquā quod non uidet, & eodem modo quo mas afficitur fluxum sanguinis emittit ex naturalibus. Vnde in sacris & in hæc usque tempora nutriunt Cynocephalos, ut per eos pateat Solis & Lunæ coniunctio. Orbem terrarum, quoniam dicunt duo & septuaginta esse climata mundi, hos autem diligenter nutritos in sa-

cris accuratos nō mori, quemadmodum cætera animalia, uno die, uerum singulo quoq; die partem earū defunctam sepeliri à sacerdotibus, reliquo corpore adhuc pristinam naturam retinente. & sic deinceps fieri usque ad secundum supra septuagesimum diem, & tunc deniq; totum mori. Literas, quoniam innatæ sunt literæ Cynocephalis apud Aegyptios. Vnde cū primum aduectus est in templū, Cynocephalus apponit ei sacerdos tabellam, stilum ac atramentum: periculum faciēs, an sit ex genere à literis non abhorrente & inscribit. Iram, quoniam animal hoc supra cætera animalia iracundum est. Natationem uero, quoniam reliqua animalia, si natationem frequentent sordida ac squalida fiunt: solus Cynocephalus quo uult enatat, nullis unq; fœdatus sordibus.

QVOMODO NOVAM LVNAM

SIGNIFICENT.

**N**Ouam Lunam scribere uolentes, iterum Cynocephalum pingunt, stantem, & pedes anteriores in cælum tollentem: habentemq; regale signum in capite. hac figura scribunt Cynocephalum, cum noua Luna apparet, tanq; deo gratias agat, quod Luna præteruecta Solem, luceat & ipsa, nec lumen Solis impediat.

QVOMODO AEQVINOCTIA

SIGNIFICENT.

**A**Equinoctia, quæ bis in anno contingunt, significare

care uolentes Cynocephalum sedentem pingūt. hic em̄ tempore æquinoctij per singulam horam duodecies in die mingit, hoc idem facit & noctu. Qua ex re non sine ratione in hydrologijs Cynocephalum sculpunt Aegyptij, & ex membro faciunt aquam defluere. quoniam, ut ante dictum est, duodecim horas mingendo significat: ne autem foramen per quod exit aqua in horologium, latius sit aut angustius (utruncq; enim rationē horarum impediret) extrema ipsius depilata cauda ad huius crassitudinem, ferream fistulā in hunc usum parant. atq; hoc placuit eis sic facere nō sine ratione, quemadmodum nec in alijs rebus. & quia etiam in æquinoctijs solus ex omnibus animalibus duodecies latrat in die per singulas horas.

QVOMODO ANIMVM, IRAM, AVT FVROREM SIGNIFICENT.

**A** Nimum, Iram, aut Furorem significare uolentes Leonem pingunt. caput magnum habet hoc animal, & oculorum pupillas ignitas. corpus rotundum, & pilos radijs similes ad imitationem Solis. Vnde & sub solio Solis Leonem pingunt, demonstrantes ipsius ad Solem similitudinem.

QVOMODO FORTITVDINEM.

**F**ortitudinem significantes Leonis anterioris partes describunt, eo quod hæc membra latiora habeat reliquo corpore.

Quomodo

## QVOMODO VIGILANTEM.

**V**igilantem aut custodem scribentes, caput Leonis pingunt. quoniam Leo, cum uigilat, habet oculos clausos. cū uero dormit, tenet referatos: quod quidem uigiliæ signum est. Vnde non immerito ad sacrorum claustra apponunt Leones tanq̃ custodes.

## QVOMODO FORMIDOLOSVM HOMINEM.

**F**ormidolosum significātes, eodem utuntur signo. cum sit hoc animal inter cætera fortissimum omnibus occurrens timorem incutit.

## QVOMODO NILI INVNDATIONEM.

**N**ili inundationes significantes (uocant autem Nilū Num, quod lingua nostra idem est quod nouum) aliquando Leonem pingunt, aliquando tres hydrias. Leonem quidem, quoniam cum Sol intrat Leonem maximas inundationes facit. Tres uero hydrias & neq̃ plures, neq̃ pauciores, quoniā triplex causa inundationis assignatur. Vna quidem ipsa Aegyptia terra, quæ aquam ex se generat. altera oceanum. refluit enim oceanū inundationis tempore per Nilum. Tertia causa sunt Imbres, qui plurimi sunt per tempus inundationis ad partes Australes Aethiopiæ. Quod autem Aegyptus aquā generet potest hoc modo cognosci. in cæteris enim Climatibus mundi inundationes fiunt hiemali tempore ob continuos & immodicos imbres, sola autem Aegyptus media in orbe terrarū, quæ  
admodum



admodum in oculo pupilla, æstate gignit sibi Nili inundationes.

QVOMODO AEGYPTVM SCRIBVNT.

**A**gyptum scribentes, acerram ardentem pingunt, & desuper cor, indicantes quod quemadmodum cor Zelotypi continue uritur, sic & Aegyptus ob caliditatem continue, quæ illic sunt animalia, procreat.

QVOMODO HOMINEM NON PERE  
GRE PROFICISCENTEM.

**H**ominem non peregre proficiscentem significantes caput Asini pingunt. quoniam neq; historias audit, neq; eos qui peregrinati sunt, sentit.

QVOMODO TVTELLAM.

**T**vellam scribentes, duo hominum capita pingunt maris unum intro aspiciens, alterum foeminae, extra, sic enim dicunt nullum demonem posse inuadere, quonia & sine literis, duobus capitibus seipso custodiunt.

QVOMODO EMBRIONEM, ID EST, IM  
PERFECTVM HOMINEM.

**E**mbrionem significantes, Ranam pingunt, quoniam huius generatio ex fluminis limo perficitur. Vnde est videre interdum semiperfectam Ranam, ex parte quidem animal, ex alia uero parte terrestre quiddam, ita ut flumine deficiente, deficiat & ipsa.

QVOMODO ORATIONEM.

**O**rationem scribentes, linguam pingunt, & uulne  
c ratum

raturum oculū: primas partes sermonis linguæ dantes, secundas oculis. sic enim perfectæ animæ oratio consistit cum ad ipsius motū conformatur. Aliter orationē significantes linguam pingunt, & subter manum, orationis primas attribuere uisi linguæ, secundas uero manui, tanq̃ linguæ uolita perficienti.

QVOMODO TACITVRNITATEM.

**T**Aciturnitatem significantes, numerum scribunt, **M. LXXXV.** qui numerus est annorum trium, cōstituto anno ex diebus **CCCLXV.** Intra quod tempus cum nō loquatur infans, significatur, & si linguam habuerit, illi tamen uocem defuisse.

QVOMODO PATENS QUID.

**P**atens quid significare uolentes, Leporem pingūt. habet enim oculos hoc animal semper apertos.

QVOMODO VOCEM REMOTAM.

**V**Ocem remotam significare uolentes: quæ apud Aegyptios uocatur uæe, uocem aeris scribunt, id est, tonitruum: quo neque grauius quicquàm sonat, neque uehementius.

QVOMODO VOLVPTATEM.

**V**Oluptatem significantes **XVI** numerum scribunt. hinc enim incipiunt homines Veneri indulgere & generare.

QVOMODO COITVM.

**C**Oitum significantes numerum **XVI** scribunt geminatum

minatum, quia enim filij sunt ex uoluptatibus, coitus uero ex geminis uoluptatibus maris scilicet & foemina, propter hoc secundum numerum XVI adiungunt.

QVOMODO ANTIQVAM  
STIRPEM.

**A**Ntiquam stirpem significare uolentes, papyrorum fasciculum pingunt. per hoc significantes primos cibos. cibi enim aut nationis nullus principium inuenerit.

QVOMODO GVSTVM.

**G**Vstum significare uolentes gutturis principium pingunt. omnis enim gustus ad hoc usque seruatur. dico autem perfectum gustum. gustum uero imperfectum cum uolunt significare linguam in dentibus pingunt. his enim omnis gustus perficitur.

QVOMODO ANIMAM DIU IN  
VITA DURANTEM.

**A**Nimam diu durantem, aut inundationem scribere uolentes, Phoenicem aue pingunt. Animam quidem, quoniam praeter ceteris animalibus longissima est huic uita. Inundationem uero, quoniam signum est Solis Phoenix: quo nihil in toto mundo maius est: ad omnes enim ascendit, omnes perscrutatur Sol.

QVOMODO EVM QVI SERO A PE-  
REGRINATIONE REDEAT.

**E**Vm qui sero a peregrinatione redeat cum scribere

bere uolunt, rursus Phœnicem auem pingunt. hæc em̄ post quingentesimum annum, cum iam est morti pro pinqua, in Aegyptum remeat. ac si præueniat ante obitum curatur mystice ab Aegyptijs. & quæcunq; alijs sacris animalibus tribuunt, hæc & Phœnici omnia debentur. gaudet enim Sole maxima Phœnix, in Aegypto præcipue. utpote illic uehemēti. Vnde & illius calore dicunt inundare Nilum.

QVOMODO COR.

**C**Or cum uolunt indicare, Ibidem pingunt. est em̄ hoc animal Mercurio dicatum, omnis cordis & rationis domino. & Ibis ipsa maius quàm pro magnitudine corporis cor habet. de qua sermo est plurimus apud Aegyptios.

QVOMODO PERITIAM.

**P**eritiam indicantes cælū pingunt rore pluens. quoniam quemadmodum ros in omneis plantas decidens mollit eas, quæ habent huiuscemodi naturam, ut molliri queant. aliàs t̄ero nequaquàm, quæ suapte natura duræ sunt. sic & peritia om̄ibus hominibus se præbet: ac eam ingeniosi tanct̄p̄ rorem imbibunt, obtusi uero hoc facere non possunt.

QVOMODO AEGYPTIACAS LITERAS

**A**Egyptiacas literas scribentes, aut sacrum scriptorem, aut finem, atramentum & cribrum & iuncū pingunt. Literas quidē, eo quia omnia apud Aegyptios

ptios scripta his perficiuntur. Iunco enim scribunt, non alia re. appingunt autem cribrum, quoniam hoc primū instrumentum ad conficiendum panem ex Iunco fit. Indicant enim omnem, qui uictum habeat, literis operam daturum. qui uero non habeat diuersæ arti uacaturū. Vnde apud ipsos peritia Sbo uocatur, quod interpretatur cibi plenum. Sacerdotem, siue sacrum scriptorem, quoniam hic necem & uitam dijudicat. est enim apud sacerdotes liber, qui uocat sacra ambris. per quē indicāt de ægroto, uicturus sit an moriturus. Finē aut, quoniā qui literas didicit, trāquillū uitæ cursum assecutus est, liberatus omnibus humanæ uitæ calamitatibus.

QVOMODO ITERVM SACRVM SCRIBAM.

**S**cribam iterum significare uolentes, aut Prophetā, aut splenem, aut odoratum, aut risum, aut sternutationem, canem pingunt. Scribam quidem, quoniā eum qui debeat esse perfectus scriba, oportet multa meditari, adlatrare omnes quodammodo, agrestem esse, nemini gratificari: quemadmodū nec canēs. Prophetam, quoniā præ cæteris animalibus admiratur canis. & obtutu firmo intuetur simulacra deorum. quemadmodū Prophetā. Splenem, quoniā leuissimū splenē canis habet. & ex eo mors est illi & rabies aliquādo. Et ministri canem curantes, cum est moriturus, ut plurimum splenetici fiūt. Odoratum uero, risum & sternutationē, quoniā qui planè sunt splenetici, neq; odo-

c ; rare,

rare, neq; ridere, neq; sternutare possunt.

QVOMODO HOMINEM QVI  
SIT MAGISTRATVS.

**M**agistratū scribentes, iterum canē pingūt. cui ad/  
dūt regiā stolam nudæ figuræ appositā, quoniā  
quēadmodum canis, ut ante dictum est, in deorū simu  
lacia intētis oculis prospicit. sic & magistratus antiquis  
temporibus in nudum regem prospiciebant. cuius gra  
tia uendicant sibi regiam stolam.

QVOMODO SACRVM PALLIUM FERENTEM.

**S**acrum pallium ferētem cum uolunt significare do  
mus eustodem pingunt, eo quod custodiatur ab il  
lo pallium, quemadmodum à custode domus.

QVOMODO HOROSCOPIVM, ID EST, EVM  
QVI COMPUTAT HORAS.

**H**oroscopū significare uolentes, hominē pingunt,  
horas comedētē: nō q; horas comedat homo. hoc  
em̄ impossibile est: sed q; in horas homines cibū parēt.

QVOMODO IGNORANTIAM.

**I**gnorantiam scribentes ignem & aquā pingunt, eo  
quod his duobus elementis omnis corruptio fiat.

QVOMODO SCELESTVM HOMINEM,  
AVT ODIVM.

**S**celestum autem & odium significātes, piscem pin  
gunt, eo quod huius usus excretur & interdicator  
in sacris. destruit enim quodcunq; reperit omnis piscis.  
nec suo

nec suo quidem generi parcat.

QVOMODO OS.

**O** S scribentes Anguem pingūt. Anguis enim nullo alio membro pollet præterq̄ ore.

QVOMODO VIRVM FORTEM ET

TEMPERATVM.

**V** Irū fortē eundēq̄ temperatū significare uolētes taurū integræ ualetudinis pingūt. habet em̄ hoc animal mēbrū calidissimū, adeo ut uaccæ iunctus sine ullo motu semē emittat. Quod si quādo à naturali loco deuiet, & in aliā corporis partē membrū intēdat uulnerat uaccā præpotenti illius intensione. sed & temperās est. nam post conceptum uaccæ nunq̄ cum illa coit.

QVOMODO AVDITVM.

**A** Vditū scribentes, tauri auriculā pingunt. bos em̄ postq̄ concipere appetit ( appetit aut̄ nō lōgiori tēpore q̄ tribus horis ) tūc mugit q̄ maxime potest. in quibus si nō taurus adcurrat, naturā claudit usq̄ ad aliud determinatū tēpus. hoc aut̄ raro accidit. audit enim taurus etiā si lōgius absit: & intelligēs eā appetere accurret ad coitum, faciens hoc solus ex cæteris animalibus.

QVOMODO FOECVNDVM PENEM.

**P** Enem foecundum significantes hircum pingunt. nō autem taurum, nam hic post annum integrum tantum coire incipit. Hircus uero post septimum diem ab ortu coit. & quanquàm inualidum & sterile semen

semen emittit,coit tamen citius cæteris animalibus.

QVOMODO PECCATVM:

**P**eccatum significantes, Orygem animal pingunt, quoniam apparente Luna, si ad eam respiciat, clangorem emittit, neq; adorans eam, neq; benedicens. huius autem rei signum manifestissimū est. prioribus em̄ pedibus effodiens terram, caput abscondit, tanq̄ ægre ferat, ac nolit asp̄cere Lunæ ortum, hoc idem facit oriēte Sole. Quamobrem antiqui reges horoscopo ortum sibi nunciante, animali huic assidentes, per hoc mediū tanq̄ gnomonem quendam exacte de ortu perquirebant. Et sacerdotes hūc solum ex uolatilibus comedūt, quoniam inimicitiam quādam in deam exercere uideatur. nam si in solitudine aliqua nactus sit fontem, postquam biberit aquam turbat, ac puluerem, aut lutū pedibus immittit. Et hoc facit ea de causa, ut inutilis fiat aqua cæteris animalibus. adeo scelestā & odiosa putat̄ Orygis natura. hoc em̄ impie facit cū ipsa dea om̄ia generet: omnia nobis quæ toto mundo utilia adaugeat:

QVOMODO INTERITVM.

**I**nteritum significantes Murem pingunt. hic enim omnia degustans coinquinat, ac inutilia reddit. eodem signo utuntur, cum iudicium significare uolūt. pane enim multo ac diuersi generis simul posito, optimū quenq; seligens comedit. Vnde & optimi panis iudicium in Muribus esse putatur.

Quomodo



## QVOMODO IMPVDENTIAM.

**I**Mpudentiam significantes, Muscam pingunt. ea nã q̄ abacta continue nihilominus redit.

## QVOMODO NOTITIAM.

**N**Otitiam cum uolunt significare, Formicam pingunt. nouit enim hæc tutas sibi parare latebras. ad hæc præter morem cæterorum animalium in hycem sibi cibum parans non deuiat à suis latebris, uerũ rectã ad ipsas pergit.

## QVOMODO FILIUM.

**F**ilium scribere uolentes, Chinalopiam pingunt. est enim hoc animal maxime pullorum amans. Et si quando insequatur se uenator, & unã pullos, sponte uenatoris præda fit. si modo possit sic faciens seruare pullos. quam ob causam uisum est Aegyptijs id animal filio comparare.

## QVOMODO DEMENTEM.

**P**elicanum auem marinam pingentes, demẽtem significãt. hæc enim auis cum possit in altioribus locis, quemadmodum cætera uolatilia, deponere, hoc nõ facit, uerum humo defossa in scrobe oua parit. Quod scientes aucupes locum bouis stercore circumlinunt, ac ignem supponunt. Pelicanus autem uiso fumo, uolens suis alis ignem extinguere, non modo non extinguit, sed potius illarum uentilatione exsuscitat. Vnde combustis alis, facile fit aucupum præda, quam ob rem cũ  
d filiorum

filiorū causa periclitet̄, nefas est sacerdotes uesci Pelicano. Ex Aegyptijs tamē multi comedūt, putātes illū nō iudicio, uerū natura & in filios pietate subire discrimē.

QVOMODO GRATITVDINEM.

**G**Ratitudinem scribentes, Cucupham auem pingunt. sola enim hęc cæterorum animalium parentibus iam senio cōfectis gratiam refert. in quo enim loco ab eis nutrita est. in eo loco nidum illis conficit, ac pēnas uellit, cibum inq; sufficit, quousq; renatis pennis per se ipsos iam parentes cibum parare possunt: unde diuina scepra Cucupha insigniunt.

QVOMODO INIUSTVM ET INGRATVM.

**I**niustum & ingratum significantes, ungues geminos Hippopotami curuatos pingunt. hic enim cum adoleuerit periculum facit, an iam patre fortior euaserit. & si quidem pater cædit, locum illi impartitur ac permittit uiuere. pro patre uero matris connubia appetit: si uero non assentiatur pater eum coire cum matre, interimit ipse patrem, iam superior uiribus. sic enim scribunt geminos Hippopotami ungues curuatos admodū: quod cū homines uident, & qua ratione id facit cognoscunt, proniores fiunt ad beneficia conferenda.

QVOMODO ITERVM INGRATOS ERGA PROMERITOS.

**I**ngratos erga promeritos significantes, columbam pingunt. mas enim ualentior factus, patrem suum expellit,

expellit, ac ipse cum matre coit. purum autem hoc animal esse uidetur. etenim orta peste, & hac infectis omnibus soli columbas edentes illæsi perdurant. quã ob causam tali tempore nihil aliud regi in prandio præter columbas apponunt. hoc idem cõtingere dicunt deorum ministris. scribitur etiam bilem hoc animal nõ habere.

QVOMODO IMPOSSIBILE.

**R**em quæ fieri nequeat significantes hominis pedes scribunt deambulantes in aqua. Aliter, hominem deambulantem sine capite. impossibile utrũq; unde non absq; ratione id in eum usum assumunt.

QVOMODO REGEM PESSIMUM.

**R**egem pessimum significantes Anguem pingunt ad mundi figuram. cuius extremã caudam ori coniungunt. nomen uero regis ponũt in mediã plicatione. putantes per id intelligi dare regem totius dominum. nomen autem Anguis est apud Aegyptios Mesi.

QVOMODO REGEM CVSTODEM.

**A**liter regem custodẽ significantes Anguem quidem pingunt uigilantem. uerũ pro regis nomine custodẽ ponunt. hic enim custos est totius mũdi, oportet autem regem præcipue esse uigilantem.

QVOMODO REGEM VICTOREM.

**R**egem mundi domitorem significantes, adhuc Anguem pingunt. & in medio ipsius maximam domum.

QVOMODO POPVLVM REGI  
OBSEQUENTEM.

**P**Opulum regi obsequentem significātes, Apes pingunt. solum enim hoc ex animalibus regem habet quem reliqua apium multitudo consequitur, ac illi pareret, quemadmodum regi homines. vnde  
causa  
clara

QVOMODO REGEM IN PARTE  
DOMINANTEM.

**R**Egem non totius dominum, uerum in parte dominantem significare uolentes, dimidiatū serpentem pingunt. per animal regem significātes. Quod uero dimidiatum pinxerint, non totius imperatorem intelligi dant.

QVOMODO OMNIVM VICTOREM.

**O**Mnium uictorem cum uolunt significare adhuc integrum serpentem pingunt.

QVOMODO FVLLONEM.

**F**Vllonem scribentes geminos hominis pedes in aqua pingunt. hoc enim à Mercurij similitudine indicant.

QVOMODO RAPACEM, AVT FOECVNDVM,  
AVT INSANVM.

**R**Apacem, aut foecundum, aut insanum significare uolentes Crocodilum pingunt. est enim foecundum animal Crocodilus. & si quando à petita rapina prohibeatur in seipsum iratus furit.

Quomodo

## QVOMODO ORTVM.

**O**Rtum significâtes geminos oculos Crocodili pingunt. huius enim oculi maxime lucent.

## QVOMODO OCCASVM.

**O**ccasum indicantes Crocodilũ inclinatũ pingunt est enim hoc animal rotũdũ, & promiscue parit.

## QVOMODO ADVMBRANT

## TENEBRAS.

**T**enebras indicantes caudã Crocodili pingunt. nõ enim prius uincit, & ad internitionem redigit animal quod petit, quã cauda uerberatum impotens reddiderit. in hoc em̃ præcipue membro est fortitudo Crocodilo. cum sint autem alia signa in Crocodili natura. hæc in primo libro dicta sufficiant.

F I N I S P R I

M I L I I

B R I.

d 3 Ori

# ORI APOLLINIS

NILIACI DE NOTIS HIEROGLYPHICIS  
LIBER SECVNDVS BERNARDINO  
TREBATIO VICENTINO  
INTERPRETE.



**L**N secundo tractatu reliquorum tibi  
ueram rationem tradam, quæ autem  
nec in alijs exemplaribus ullã habent  
rationem ea primũ subiunxi.

QVID SIGNIFICENT CVM  
STELLAM SCRIBVNT.

**S**Tellam scribentes aliquando deum significant: ali-  
quando noctem, aliquando tempus: aliquãdo ani-  
mam hominis masculi.

QVID CVM PEDES HOMINIS PA-  
RES ET FIRMATOS.

**H**ominis pedes pares & firmati Solis cursum si-  
gnificant in hyemali tropico.

QVID CVM HOMINIS COR GVT-  
TVRI APPENSVM.

**C**or hominis gutturi appensum, boni uiri buccam  
designat.

QVID? CVM DIGITVM  
SCRIBVNT.

Hominis

**H**ominis stomachum significat digitus.

QVID? CVM PENEM MA  
NV COMPRESSVM.

**P**enis manu compressus, hominis temperantiam significat.

QVOMODO MOREVM SIGNIFICANT.

**P**Apaueris flores hominis morbum significat.

QVOMODO ILE HOMINIS.

**I**le hominis cum uolunt significare, os pingūt, quod spinam dicunt. putant enim aliqui, sperma inde ferri.

QVOMODO FIRMITVDINEM.

ET SECVRITATEM.

**C**oturnicis os pictum, firmitudinem & securitatem significat. etenim non temere patitur huius animalis os.

QVOMODO CONCORDIAM.

**D**uo homines insignia magistratus induti, concordiam significant.

QVOMODO TVRBATIONEM.

**A**Rmatus uir, & sagittans, turbationem significat.

**H**ominis digitus, commensurationem notat.

QVOMODO DESPONSATAM

MVLIEREM.

**C**orpus solare bipartitum cum astro, despōsatam mulierem

mulierem designat.

QVOMODO VENTOS.

**E**Leuata Aquila in ortum tendens, uentos significat. aliter in aere Aquila alas extendens, uentos notat.

**F**QVOMODO IGNEM.  
Vmus in cælum ascendens, ignem designat.

**M**QVOMODO OPVS.  
Aris cornu pictum, opus significat.

**F**QVOMODO VLTIONEM.  
Oeminae uero cornu pictum, ultionem significat.

QVOMODO IMPIVM.

**I**Mago dimidiata tantum umbilicotenus hominem ostendens, cum gladio, impium significat.

**E**QVOMODO VER.  
Quus fluuiialis, Ver significat.

QVOMODO LONGAEVVM.

**L**ongæuum significantes, Ceruum pingunt. singulo quoque anno cornua germinat ceruus.

**L**QVOMODO AVERSIONEM.  
Epus aut canis auersus, auersionem significant.

QVOMODO CAEDEM AVT SANGVINEM.

**C**Rocodili uespa uolans, Crocodili nociuum sanguinem significat, aut caedem.

**N**QVOMODO MORTEM.

**N**Ycticorax mortem significat. noctu enim de improviso



prouiso aggreditur pullos, quemadmodum de improuiso mors superuenit.

**L** QVOMODO AMOREM.  
Aqueus amorem significat.

**O** QVOMODO ANTIQVISSIMVM.  
Rationes, folia, & signatus liber, antiquissimum designat.

**S** QVOMODO OBSIDIONEM.  
Cala, obsidionem significat ob accliuitatem  
QVOMODO RVDEM, AVT MV-  
SAM, AVT PARCAM.

**S** Eptem elementa in duobus digitis contenta, musam, aut rudem, aut parcam significant.

QVID LINEA LINEAE SVPER-  
IMPOSITA SIGNIFICET.

**L** Inea lineæ superimposita, lineas decem planas significat.

QVID SIGNIFICENT HIRVN/  
DINEM PINGENTES.

**P** Atrimonium magnum relictum filijs significare uolentes, hirundinem pingunt, hæc enim moritura seipsam in luto peruoluit, ac pullis latebras parat.

QVID SIGNIFICET CO-  
LVMBÆ NIGRA.

**M** Vlierem uiduam, & sic permanentem usq; ad mortem cum uolunt significare, columbam nigram

gram pingunt. hæc enim post maris interitum semper sola degit.

QVID SIGNIFICET

ICHNEVMON.

**V**trum debilem, & qui aliorum auxilio egeat, significare uolentes, Ichneumonem pingunt. hic enim si anguem inimicum uideat, non statim aggreditur, sed prius uocatis alijs ex sua specie, sic firmior præsidio, an qui fit obuiam.

QVID SIGNIFICENT

ORIGANO.

**F**ormicarum defectum cum uolunt significare, origanum pingunt. abeunt enim formicæ herba hac posita in loco quâ transeunt.

QVID SCORPIONE ET

CROCODILO.

**I**nimicum inimico congressum significare uolentes, scorpionem & crocodilum pingunt. hi enim mutuo se interimunt. si autem alterum uictorem significant, qui uidelicet inimicum suum sustulerit, crocodilum pingunt, aut scorpionem. & si quidem eum qui propere occiderit, crocodilum pingunt. si uero eum qui tarde, scorpionem. est enim tardi incessus scorpio.

QVID MVSTELLA

SIGNIFICENT.

**M**ulierem uiraginem cum uolunt significare, mustellam

stellam pingunt. hæc enim habet maris testiculum tanquàm ossiculum.

QVID PORCO.

**H**Ominē perniciosum cum uolunt significare, porcum pingunt. talis est enim porci natura.

QVOMODO IRAM

IMMENSAM.

**I**Ram immensam adeo ut irato febrem incutiat uolentes significare, leonem pingunt catulos suos cauda flagellantem. & leonem quidem, ob iram. catulos uero, flagellatos, quoniam horum ossa inter se collisa, ignem emittunt.

QVOMODO SENEM MVSICVM.

**M**Vsicum senem cum uolunt significare, cygnum pingunt. hic enim senescens canit quæ suauissime.

QVOMODO VIRVM COEUN-

TEM CVM VXORE.

**V**irum coeuntem cum uxore cum uolunt significare, geminas cornices pingunt. hæc enim coeunt eodem modo quo homines.

QVID SIGNIFICENT CANTHARVM

CAECVM SCRIBENTES.

**H**Ominem qui solis ardore ualetudinem contraxerit, & ob eam causam decesserit cum uolunt significare, cantharum cæcum pingunt. hic enim radijs solaribus obcæcatus deficit.

e 2 Quid

QVID MVLA SIGNIFICENT.

**M**Vlierem sterilem cum uolunt significare mulam pingunt. hæc enim ideo est sterilis, quia matricem habet obliquam.

QVOMODO MVLIEREM SIGNIFICENT,  
QVAE INFANTEM FOEMI-  
NAM PEPERERIT.

**M**Vlierem quæ infantem foeminam pepererit significare uolentes, taurum pingunt in sinistram partem respicientē. si uero marem, taurum iterum pingunt ad dextram conuersum. Taurus enim post coitum si ad sinistram descendat foeminam generasse creditur. si uero ad dextram, marem.

QVOMODO VESPAS  
SIGNIFICENT.

**V**Espas cum uolunt significare, equi cadauer pingunt. ex huiusmodi enim cadauere plurimæ uespæ generantur.

QVOMODO MVLIEREM QVAE  
ABORTIIVM FECERIT.

**M**Vlierem quæ abortiuum fecerit cum uolunt significare, equam scribunt quæ lupum presserit. Equa enim abortiuum facit non modo si lupum calcauerit, sed etiam si ipsius uestigia attigerit.

QVOMODO HOMINEM SEIPSVM CVRAN-  
TEM EX ORACVLI RESPONSO.

Hominem

**H**Ominem ex oraculi responso seipsum curantem cum uolunt significare, picam pingunt lauri folium ore tenentem. hæc enim cum ægrota est, lauri folium in nidum immittit, & ita conualefcit.

QVOMODO MVLTOS CVLICES.

**M**Vltos culices prouenientes cum uolunt significare, uermes pingunt. ex his em̄ generantur culices.

QVOMODO HOMINEM NON HABENTEM PER SE BILEM, SED AB ALIO COMMOTVM.

**H**Ominem non habentem naturaliter bilem, uerum ab alio commotum cum uolunt significare, columbam pingunt arrecta posteriora habentem. in illis enim bilem habet.

QVOMODO HOMINEM TUTE VRBEM HABITANTEM.

**H**Ominem tute urbem habitantem significare uolentes, aquilam lapidem portantem pingunt. illa enim lapidem unguibus eleuatum portat in suum nidum, ut illo depressus nidus firmiter maneat.

QVOMODO HOMINEM DEBILEM QVI ALIO INSEQVENTE AVFUGIAT.

**H**Ominem uiribus imbecillem, qui insequentem aufugiat significare uolentes, otidem auem & equum pingunt. cuolat enim illa uiso equo.

e 3 Quomodo

QVOMODO HOMINEM AD PROPRIVM  
PATRONVM CONFVGIENTEM,  
NEQVE ADIVTVM.

**H**ominem ad proprium patronum confugientem,  
neq; adiutum cum uolunt significare, passerem &  
noctuam pingunt. passer enim aucupem fugiens, ad  
noctuam procurrit. apud quam æque tamen laborat.

QVOMODO HOMINEM DEBILEM,  
AVFVGIENTEM TAMEN.

**H**ominem imbecillem aufugientem tamẽ cum uo/  
lunt significare, uespertilionẽ pingunt. uespertilio  
enim quibus non habeat pennas, euolat tamen.

QVOMODO MVLIEREM LACTANTEM,  
ET BENE NVTRIENTEM.

stueesper,  
ionem, **M**ulierem lactantem & bene nutrientem signifi-  
care uolentes, † turturẽ pingunt. ea enim ex uola-  
tilibus sola dentes & mammas habet.

QVOMODO HOMINEM SALTA-  
TIONE GAUDENTEM.

**H**ominem saltatione gaudentem & tibijs cum uo-  
lunt significare, turturem pingunt. capitur enim  
hæc ad tibias & saltationem.

QVOMODO HOMINEM MYSTICVM.

**H**ominem mysticum significare uolentes, cicadam  
pingunt. hæc em̃ non ex ore obstrepit, uerum per  
scapulas sonum emittens ædit dulce carmen.

Quomodo

QVOMODO REGEM SOLITA/  
RIVM NEQVE ERRATA  
MISERANTEM.

**R**Egem solitarium & qui lapsis nulla errata condo/  
net cum uolunt significare, aquilam pingunt. hæc  
enim in locis solitarijs nidum habet, & altius q̄ cætera  
uolatilia uolat.

QVOMODO INSTAVRATIO/  
NEM DIUTVRNAM.

**I**Nstauratiōē diuturnam significare uolentes, phœ/  
nicem auem pingunt. quando enim hæc nascitur, in/  
stauratio fit rerū. nascitur autē hoc modo. cum moritu/  
ra est phœnix, proijcit seipsam ad terrā. & ex proiectio/  
nis impetu, uulnus accipit. ac ex cruore de illo uulnere  
nascitur alia phœnix. hæc autem post q̄ pennæ concre/  
uerint unā cum matre in Solis urbem, quæ urbs est in  
Aegypto, proficiscitur. illic autē mater moritur statim  
ad ortum solis. post cuius interitū redit pullus in pro/  
priam patriam, unde digressi fuerant. Sacerdotes autē  
Aegypti defunctam sepeliunt.

QVOMODO PARENTIS  
AMATOREM.

**P**arentis amatorem significare uolentes, ciconiam  
pingunt. hæc enim à parentibus enutrita non sepa/  
ratur ab illis, uerum ad ultimam usq̄ senectutem per/  
manens parentibus uictum sufficit.

Quomodo

QVOMODO MVLIEREM QVAE  
VIRVM ODERIT.

**M**Vlierem quæ uirum oderit, ac insidias illius uitæ tendat, & in coitu tantum adulantem cum uolunt demonstrare, uiperam pingunt. ipsa enim in coitu mari iuncta os in os inserit. post coitum uero interimit, illius caput morfu amputans.

QVOMODO FILIOS MA/  
TRI INSIDIANTES.

**F**lios matri insidiantes cum uolunt significare, uiperam pingunt. hæc enim nō ex naturali loco quem admodum cætera animalia, uerum parentis utero rupto, sic in lucem prodit.

QVOMODO HOMINEM IN AC/  
CVSATIONE CONVICIIS  
CONFECTVM AC  
LANGVENTEM.

**H**Ominem in accusatione conuicijs affectum a languentem significare uolentes, basiliscum pingunt. ille enim uicinos sibi serpentes solo sibilo interimit.

QVOMODO HOMINEM IGNE  
COMBVSTVM.

**H**ominem igne combustum significare uolentes, salamandram pingunt. ipsa enim utroq; capite interimit.

Quomodo



QVOMODO HOMINEM  
CAECVM.

**H**Ominem cæcum significare uolentes, talpam pingunt. hæc enim neque oculos habet, neque aliter uidet.

QVOMODO HOMINEM EXTRA  
DOMVM SE CON/  
TINENTEM.

**H**Ominem extra domum se continentem cum uolunt significare, formicam & pennam uespertilionis pingunt. huius enim alis ad nidum repertis, formica non ingreditur.

QVOMODO HOMINEM SIBI IPSI  
DAMNA DANTEM.

**H**Ominem sibi ipsi damna inferentem cum uolunt indicare, castorem pingunt. hic enim uenatoribus insequentibus testiculos suos demordens, abiectos relinquit. *nota*

QVOMODO PATREM QVI INVI/  
TVS FILIO HAEREDITA/  
TEM RELIQUERIT.

**P**atrem qui inuiso filio hæreditatē reliquerit significare uolentes, simiam cum alia parua simia insequenti pingunt. parit enim simia geminos. ex quibus unum diligit admodum, alterum uero odit. quem igitur amat, ore gestans interimit. quem uero odit, post se habet. ac illum reliquum nutrit. *nota*

f Quomodo

QVOMODO HOMINEM SVVM DE-  
DECVS OCCVLTANTEM.

**H**Ominem suum dedecus occultantē, cum uolunt significare, simiam pingunt. hæc em̄ cum urinat, urinam suam occultit.

QVOMODO HOMINEM ACVTI AVDITVS.

**H**Ominem acuti auditus significare uolentes, capram pingunt. hæc enim & auribus, & quadam parte gutturis audit.

QVOMODO INSTABILEM.

**I**Nstabilem aliquē, neq; in eodem statu permanentem, uerum modo fortem & audacem, modo imbecillum & timidum, cum uolunt significare, hyænam serpentē pingunt. hæc em̄ modo mas, modo foemina fit.

QVOMODO SVPERIOREM AB  
INFERIORE VICTVM.

**S**Vperiolem ab inferiore uictum significare uolentes, duas pelles pingunt. hyænae unam, alterā pardi. hæc enim pelles si simul ponantur, pardi quidem pilos abijcit, hyænae uero, non.

QVOMODO HOMINEM QVI INI-  
MICVM SVVM VICERIT.

**H**Ominem qui inimicum suum uicerit significare uolentes, hyænam ad dextram conuersam pingunt. uictum autem indicantes, rursus hyænam ad sinistram conuersam pingunt. ipsa enim inimico insequente,

quente, si ad dextram partem se cōuertat, interimit inimicum, si uero ad sinistram, interimitur ipsa.

QVOMODO HOMINEM INIECTAS SIBI  
DIFFICVLTATES INTREPI/  
DE FERENTEM.

**H**ominem iniectas sibi difficultates ad mortem usq; intrepide ferentē significare uolentes, hyænæ pellem pingunt. si quis enim hyænæ pelle succinctus, medios feratur in hostes à nullo læditur, & intrepide præterit.

QVOMODO HOMINEM INIMICVM  
SVVM PRAEVENIENTEM.

**H**ominem inimicum suum præuenientem, ac minimo damno se à periculis eximentem cum uolunt significare, lupum pingunt extrema amputata cauda. hic enim cum iam sit à uenatoribus indagandus, pilos abiicit, & extremum caudæ.

QVOMODO HOMINEM PERI/  
CVLA EX OCCVLTTO  
TIMENTEM.

**H**ominem ex occulto pericula timentem significare uolentes, lupum & lapidem pingunt. lupus enim neq; ferrum timet, neq; hastam, sed tantum lapidem. deniq; si quis lapidem proijciat, hoc uerum periculo comprobabit. & ex projectu lapidis uulnere facto gignuntur lupo uermes.

f 2 Quomodo

ORI APOLLINIS NILIACI  
 QVOMODO HOMINEM IGNE  
 CASTIGATVM.

**H**ominem igne castigatum, & hoc indicare uolentem, cum uolunt significare, leonem & faces pingunt. nihil enim magis timet leo, q̄ faces ardētes. neq̄ ulla alia re æque ac his domari creditur.

QVOMODO HOMINEM AEGROTVM  
 AC SEIPSVM CVRANTEM.

**H**ominem ægrotum ac seipsum curantē cum uolunt significare, leonem pingunt simiam uorantem. hic enim si febricitet, uorata simia conualefcit.

QVOMODO HOMINEM NOVISSIMA  
 CALAMITATE CASTIGATVM.

**H**ominem nouissima calamitate castigatum significare uolentes, taurum pingunt caprifico illigatum. hic enim cum mugit si de caprifico ligetur, redditur mansuetus.

QVOMODO HOMINEM DVBIAE  
 TEMPERANTIAE.

**H**ominem dubiæ & instabilis temperantiæ significare uolentes, taurum pingunt genu dextrum ligatum. sic enim non coit. assumitur autem taurus semper ad temperantiam significandam. quippe qui post conceptum, foeminam non adeat.

QVOMODO HOMINEM OUES ET  
 CAPRAS PERDENTEM.

Hominem

**H**Ominem oues & capras perdentē significare uolentes, animalia ipsa pingunt Conizam pascētia. hæc enim Conizam edentia moriuntur siti enecta.

QVOMODO HOMINEM  
COMEDENTEM.

**H**Ominem comedentem significare uolentes, Crocodilum pingunt os apertum habentem.

QVOMODO HOMINEM RAPACEM ET PIGRVM.

**H**Ominē rapacem & pigrum significare uolentes, Crocodilum pingunt cum Ibis penna in capite. hunc enim si Ibis penna tangas, immobilem reddes.

QVOMODO MULIEREM SEMEL  
TANTVM ENIXAM.

**M**ulierem, quæ semel tantum peperit cum uolentem significare, lænam pingunt. hæc enim non concipit secundo.

QVOMODO HOMINEM NATVM DEFORMEM.

**H**Ominē primo deformem natum, qui postea formosus euaserit significare uolentes, ursam prægnantem pingunt. hæc enim cōuersum sanguinem ac duratum parit. Postea fœtum digerit in suas partes, ac lingua lingenis perficit.

QVOMODO HOMINEM FORTEM ET CONDUCENTIVM INDAGATOREM.

f 3 Fortem

**F**Ortem hominem ac utilium indagatorem significare uolentes, elephantem pingunt cum probosci de hac enim ille olfacit, ac intercidentia consequitur.

QVOMODO REGEM FUGIENTEM INSIPIENTIAM.

**R**Egem insipientiam fugientem significare uolentes, ceruum & arietem pingunt. fugit enim ceruus cum arietem uidet.

QVOMODO REGEM NUGATOREM FUGIENTEM.

**R**Egem, hominem multarum nugarum, fugientem cum uolunt significare, elephantem pingunt cum sue. fugit enim elephas audita uoce suis.

QVOMODO HOMINEM CELEREM QUIDEM IN CURSU, SED SINE CAUSA FUGIENTEM.

**H**ominem celerem in cursu, uerum sine causa fugientem significare uolentes, ceruum & uiperam pingunt. fugit enim ceruus uisa uipera.

QVOMODO HOMINEM DE SUA SEPULTURA SOLICITVM.

**H**ominem de sua ipsius sepultura curam habentem significare uolentes, ceruum pingunt suos ipsius dentes infodientem. sepelitur enim ceruus, qui sibi exciderunt dentes.

Quomodo

QVOMODO HOMINEM QVI  
AD IVSTAM AETA/  
TEM VIXERIT.

**H**Ominem qui ad legitimam aetatem uixerit signi-  
ficare uolentes, cornicem pingunt. uiuit enim hæc  
centū ægyptiacos annos. annus autē apud Aegyptios  
est quatuor annorum.

QVOMODO HOMINEM MALITIAM  
SVAM TEGENTEM.

**H**Ominem malitiam suam tegentem, nec ab alijs co-  
gnosci promittentem, cum uolunt significare, par-  
dum pingunt. uenatur enim pardus & insequitur cæte-  
ra animalia ex occulto ac singilatim. nec pernicitatem  
suam cognosci sinit, ut minus caueant ab eo animalia,  
quæ insequitur ad pastum.

QVOMODO HOMINEM ADVLA/  
TIONE DECEPTVM.

**H**Ominem adulatione deceptum significare uolen-  
tes, ceruum pingunt cum tibicine. demulcet enim  
ceruus cantus modulamine. ac sic quodammodo obli-  
tus sui capitur.

QVOMODO PRAECOGNITIONEM  
ABVNDANTIS VINDEMIÆ.

**P**raecognitionem abundantis uindemiæ significa-  
re uolentes, Vpupam pingunt. ipsa enim si canat  
anteq̃ uites germinent, futura uini copia significatur.  
Quomodo

QVOMODO HOMINEM CUI VVAE  
PASTVS NOCVERIT.

**H**Ominem cui comesta uua nocuerit, & qui ob id seipsum curet significare uolentes, Vpupam pingunt, & Adiantum herbam. Vpupa enim uua pasta laesa, inuentū adiantum in os immittit, ac sic cōualescit.

QVOMODO HOMINEM CAVEN  
TEM SIBI AB INIMICO  
RVM INSIDIIS.

**H**Ominem sibi cauentem ab inimicorum insidijs cum uolunt significare, gruem uigilantē pingunt. grues enim seipsas custodiunt tota nocte per uices uigilias facientes.

QVOMODO PEDICATIONEM.

**P**edicationem significare uolentes, geminos mares ex perdicibus pingunt. illi enim amissis foeminis inuicem coeunt.

QVOMODO SENEM INEDIA  
ENECTVM.

**S**enem inedia enectum significare uolentes, aquilam pingunt cum curuato rostro. illi enim senescenti incuruatur rostrum, & ea de causa inedia absumitur.

QVOMODO HOMINEM INQVIETVM  
SEMPER ET IRACVNDVM.

**H**Ominem inquietū semper & iracundum, ac nec quidem dum comedit quiescentem, cum uolunt significare,



significare, cornicem cum pullis pingunt. Cornix enim dum pullos pascit, semper est in cursu.

QVOMODO HOMINEM CAELE/  
STIVM GNARVM.

**H**Ominem caelestium gnarum significare uolentes, gruem uolantem pingunt. hæc enim ita alte uolat, ut nubes uideat & tangat.

QVOMODO HOMINEM ALIENAN-  
TEM PROPRIOS LIBEROS  
OB PAUPERTATEM.

**H**Ominem alienantem proprios liberos ob paupertatem cum uolunt significare, aquilam prægnantem pingunt. illa enim parit tria oua. ex quibus eligit unum, duo reliqua frangit. hoc autem facit, quia tunc temporis unguis mutat. & hac de causa nõ potest tres eodem tempore pullos alere.

QVOMODO HOMINEM TARDVM  
IN MOVENDIS PEDIBVS.

**H**Ominem tardum in mouendis pedibus significare uolentes, Camelum pingunt. ille enim solus ex alijs animalibus crura in eundo incuruat. & ex hoc habet appellationem.

QVOMODO HOMINEM IMPVDEN/  
TEM ET ACUTI VISVS.

**H**Ominem impudentem & acuti uisus significare uolentes, ranam pingunt. hæc enim sanguinem  
g non

non habet nisi tantum in oculis. eos autem qui illic sanguinem habeant impudentes uocant. unde Homerus. ebrius, canis oculos habens, & cor cerui.

QVOMODO HOMINEM QVI SE  
MOVERE NEQVEAT.

**H**Ominem qui multū tempus se mouere nequeat. postea uero mouendi se uires consequatur, cum uolunt significare, ranam pingunt, pedes posteriores habentem. ranæ enim nascuntur sine pedibus, qui tamen procedente tempore subcrescunt.

QVOMODO HOMINEM OMNI-  
BUS INIMICVM.

**H**Ominem omnibus inimicum significare uolentes, anguillam pingunt. hæc em̄ seorsum ab alijs piscibus degit. neq; temere cum alijs inuenitur.

QVOMODO HOMINEM SER-  
VANTEM MVLTO  
IN MARI.

**H**Ominem seruante multos in mari significare uolentes, Narcam piscem pingunt. hic enim cum uiderit pisces defessos iam, nec amplius natate ualentes, præsto est illis ac seruat.

QVOMODO HOMINEM QVI  
VTILIA ET INVTILIA  
MALE CONSUM-  
PSERIT.

Hominem

**H**ominem qui utilia & inutilia male consumpserit significare uolentes, polypum piscem pingunt. hic enim multum & intemperanter edens cibum congerit in caueam. & cum esui apta consumpserit, abiicit, & reliqua inutilia.

QVOMODO HOMINEM HOMI-  
NIBVS SVI GENERIS  
IMPERANTEM.

**H**ominem hominibus sui generis imperantem significare uolentes, Carabum & polypū pingunt. superant enim Carabi polypos, ac primas tenent.

QVOMODO HOMINEM IVN-  
CTVM MVLIERI.

**H**ominem iunctum mulieri significantes, conchas & pisces pingunt. ipsæ enim in conchis genitæ, paulo post in ipsis conchis mutuo iunguntur.

QVOMODO HOMINEM QVI  
SEIPSVM NON CVRET.

**H**ominem qui semetipsum non curet, uerum à pro-  
pinquis curetur significare uolentes, concham &  
cancerum pingunt, adhæret enim cancer conchæ. & uo-  
catur pinnophylax, id est, conchæ custos. hiat autem  
concha cum esurit. in eam igitur hiantem cum piscicu-  
lus intrauerit. pungit cancer ungula concham. hæc uero  
admonita concham claudit. & hoc modo uenatur pi-  
sciculos.

g 2 Quomodo

QVOMODO HOMINEM CI-  
BVM EVOMENTEM.

**H**ominem cibum euomentem, ac rursus immode-  
rate comedentē significare uolentes, Musipulam  
aquaticū animal pingunt. hæc enim ex ore parit. post-  
ea uero natans foetum deglutit.

QVOMODO HOMINEM CVM ALIE-  
NIGENIS COEVNTEM.

**H**ominem cum alienigenis coeuntem significare  
uolentes, Myrannam piscem pingunt. hæc enim  
è mari egressa uiperis admiscetur, ac statim ad mare re-  
currit.

QVOMODO HOMINEM OB  
CAEDEM PVNITVM.

**H**ominem ob cædem punitum significare uolen-  
tes, turturem laqueo captam pingunt. hæc enim  
detenta abiicit, quã habet in cauda spinam.

QVOMODO HOMINEM ALIE-  
NA COMEDENTEM IN-  
TEMPERANTER.

**H**ominem aliena comedentem ac deinde sua con-  
sumentē significare uolentes, polypum pingunt.  
hic enim si desint sibi cibi, ex suis capillamentis edit.

QVOMODO HOMINEM PVL-  
CHRA APPETENTEM.

**H**ominem pulchra appetentem, ac pro his ultro  
mala

mala subeuntem cum uolunt significare, Sepiam pingunt. hæc enim si uideat sibi insidias tendi aquam turbat profuso ex aluo atramēto . atq; ita piscatorē fugit.

QVOMODO HOMINEM

LIBIDINOSVM.

**H**Ominē libidinosum significare uolentes, passerulum turrianum pingunt . hic enim & ira concitus, & abundantī spermate uexatus , septies in hora coit, abundanter sperma emittens.

QVOMODO HOMINEM EVNDEM TENOREM VITAE SERVANTEM.

**H**Ominem eundem tenorem uitæ seruantem significare uolentes, lyram pingunt. hæc enim eundem sonum continuat.

QVOMODO HOMINEM QUI AB INSIPIENTIA RESIPVERIT.

**H**Ominem qui ab insipiētia resipuerit. ac inde modum suæ uitæ habuerit significare uolentes, fistulam pingunt. hæc enim maxime conuertit ac retinet hominem . & in memoriam redigit ea quæ animo obsequens perpetrauerit. & habet hæc sonum maxime compositum.

QVOMODO HOMINEM AEQVALE VNICVIQVE DISTRIBUTENTEM.

**H**Ominē æquale unicuiq; distribuentē significare uolentes,

uolentes, strotocamili pennam pingunt. hoc enim animal habet undiq; alarum pennas æquales.

QVOMODO HOMINEM

LABORIOSVM.

**H**ominem laboriosum significare uolentes, manum hominis pingunt. hæc enim omnia opera perficit.

ORI APOLLINIS NILIACI ΙΕΡΟΓΛΥΦΙΚΩΝ,

BERNARDINO TREBATIO VI-

CETINO INTERPRE-

TE FINIS.















